

**2018KO URRIAREN 25EAN GOBERNU BATZARRAK EGINDAKO OHIKO BILERAREN AKTA**

**LEKUA:** Beasaingo Udaletxea.

**ARETOA:** Batzar Aretoa.

**EGUNA:** Hogeita bosta.

**HILABETEA:** Urria.

**URTEA:** Bi mila eta hemezortzia.

**HASIERAKO ORDUA:** Arratsaldeko zazpiak laurden gutxi

**BATZARRALDIAREN IZAERA:** Ohikoa

**DEIALDIA:** Lehena

**OSATZEN DUTEN PARTAIDEEN KOPURUA:** Sei (6)

**MAHAIBURUA:** Aitor Aldasoro Iturbe.

**BILDUAK:** Leire Artola Ugalde

Malu Valles Fernandez

Koldo Agirre Mujika

Miren Amaia Barandiaran Vélez de Mendizabal

Angel Redondo Fernández

**IDAZKARIA:** Itziar Arostegi Apaolaza

**1.- AURREKO AKTA.** 2018-09-27ko akta onartzea.

2018-09-27ko aktaren berri eman ondoren, aho batez onartu da berarekiko zer esanik ez dagoelako.

**2.- LURRALDE BATZORDEKO PROPOSAMENAK:**

OBRA ZIURTAGIRIAK:

- Azken likidazioa: Zapatari eta Garmendia Otaola (2017PROB0006)

Lurralde batzordeak proposatuta aho batez onartu da, “Zapatari-Martin Aranburu eta Garmendia Otaola kaleak berrurbanizatzeko” obrei buruzko azken likidazioa, **97.187,41 €**koa (BEZ barne).

- Azken likidazioa: Loinatz futbol zelaiko obrak (2017PROB0004)

Lurralde batzordeak proposatuta aho batez onartu da, LOINATZ FUTBOL ZELAIKO ZOLADURA SOROPIL ARTIFIZIALAGATIK ALDATZEA, DRAINADURA ETA ERREGADIATZEKO SISTEMA BERRITZEA ETA TRIBUNAREN ATZEALDEKO GUNEAN EKINTZAN” OBRAK BURUTZEari buruzko azken likidazioa, **98.088,57 €**koa (BEZ barne).

- Azken likidazioa: Nekolalde kaleko obrak (2016PROB0004)

Lurralde batzordeak proposatuta aho batez onartu da, aho batez onartu da, “NEKOLALDE KALEA BERRURBANIZATZEA” OBRAK BURUTZEari buruzko azken likidazioa **53.918,62 €**koa (BEZ barne).

- Azken likidazioa: Kale asfaltaketa obrak. Desbideraketa onartzeko proposamena (2018ZEBO0052)

Lurralde batzordeak proposatuta aho batez ondorengo erabakia hartu da:

“Gobernu Batzordeak 2018ko apirilaren 26ko bileran erabaki zuen, 2018rako kanpainan bideak asfaltatzeko obrak kontratatzeko lizitazioa burutzea prozedura irekiaren bitartez, horretarako baldintza plegu administratiboa eta teknikoa onartuz. Eusko Jaurlaritzako kontratazio plataforman deialdia argitaratu zen adieraziz proposamenak aurkezteko hogeita sei eguneko zela. Epea 2018-05-28an amaitu zen.

Lizitazioaren irabazlea Asfaltos Urretxu S.L izan zen, eta sinatutako kontratua 103.795,75 € (BEZ KANPO), 125.592,85 € (BEZ BARNE) izan zen.

Kanpainan asfaltatzea aurreikusten ziren kaleak: Nafarroa etorbidea 27-45, Igartza Oleta 8-12, Erauskin 18-30, Loinatz auzoa 19, Erauskin plaza, eta zenbait garaje sarrera.

Aurreikusitako kaleez gain Foru kaleko 14-20 zatia asfaltatu da eta beste zenbait zulo estaltze. Lan gehigarri hauek kontratuan sinatutako zenbakiekin alderatuta 13.447,37€ko (BEZ BARNE), hau da % 10,71ko gehikuntza suposatu dute.

Ondorengo arrazoiak medio:

Uztailaren hasieran Euskaltel enpresak Foru kaleko 14 eta 20 zenbakien artean sarea berritzeko lanak gauzatzea proposatzen dio Udalari. Zenbait urtetan Udala zain egon da zati horretako kale asfaltatze lanak gauzatzeko Euskaltelek sarea konpondu zedin.

Euskaltelen proposamena esleipena amaitu ondoren iritsi zenez, ekainaren 28ko Gobernu batzordean hartu zen Asfaltos Urretxu S.A.ri lanak esleitzeko erabakia,

aurreikusi gabeko lan hauek aurrera eramatea erabaki zen ondorengoak izanik kontuan:

- Amaitu berria zen asfaltatze esleipenean irabazle izan zen Asfaltos Urretxu S.A. aurreikusitako lanen antolaketa arloan eta eskaintza ekonomikoan ondoen puntuatuena izan zen, ondorioz, lan gehigarri hauek gauzatzeko enpresaz aldatzeak kalte ekonomikoak eta antolaketa eragozpenak eragingo lizkioke.

- Beharrak martxoan aurreikusi ziren eta Euskaltelen proposamena Foru kalea berritzeko uztailean, beraz egin den asfaltatze lana egoerak baldintzatu duen ondorio izan da.

- Kontratua asfaltatze kanpaina burutzeko sinatu zen eta beraz ez da kontratuaren funtsa aldatu.

Azaldutakoa kontuan izanik, **ERABAKI DA:**

**2018.urteko kale asfaltatze kanpainari dagokion 139.040,22 (BEZa barne) euroko zertifikazioa onartzea.**

- Bigarren ziurtagiria: Erauskin kaleko obren birmoldaketa (2018PROB0003)

Lurralde batzordeak proposatuta aho batez onartu da, "Erauskingo plaza berrurbanizatzeko" obrei buruzko obren 2. ziurtagiria, **18.144,94 €**koa (BEZ barne).

### **3.- ESKAERA ETA GALDERAK**

Eskaera eta galderen atalean, Igartza Oleta lurrazpiko garaje baten eskualdaketari buruz hitz egin da.

Eta tratatzeko besterik ezean, bilera arratsaldeko zazpitan amaitu da eta nik, idazkari naizen honek, akta hau idatzi eta sinatu dut.